

小方壺齋

小方壺齋

東遊日記

平陽黃慶澄著

光緒癸巳五月初四日上日本三菱公司輪船船名神戶丸搭客分上中下三等上中艙案几帷帳璀璨
妙觀下艙頗雜沓上艙在船面以繩界之凡中下艙客不得越雷池一步未刻發滬江出吳淞口口爲我
南洋要隘瞰臺羅布諸西人咸執遠鏡視之

初五日過黑水洋行人經此往往有戒心是日晴曦照耀波平如鏡入夜寒月近人娟然可愛澄心遠眺
天風冷洽萬籟俱寂海上移情不圖於今日遇之

初六日丑刻抵長崎長崎東經十三度零七分北緯三十二度四十四分經度由中國北京起算緯度由赤道起算後做此距上
海四百二十七里此以日里核屬西海道肥前境維新後置長崎縣治肥前內六郡及壹崎對馬二島辰

刻登岸將行李向關投驗見行篋中半係書籍關吏笑而拱謝查日本海關凡輪舶進口無論內外商人
隨帶箱籠搜檢極嚴西人過此亦肅依定章逐一啟視其出口亦然赴泰記號主人王君曉景甫上入以
煤爲業茗談片時命夥徒將行李運入延憩一小樓面山而窗林木蓊鬱日光迷離頗得佳趣赴理事署
訪張子豫司馬桐華人暨署中諸君理事署在華界內外堅龍旗爲識案華界每一百坪歲納租銀二十六

圓每坪合日尺方六尺查日本里法六尺曰間十六間曰町三十六町曰里方一間曰一坪又曰一
步一畝三十步一段十畝每六町合中國里許後凡言里言町者以此推之

初七日張君子豫來答拜係長崎正理事偕王君曉景出游長崎街道整潔人口稀少山水秀麗豁人心
目雖係通商碼頭無鬱塵湫隘之氣街上見招牌中有官許字樣者曉景云此言已納官稅也有大勉強
字樣者曉景云此言格外減價也又有寫御料理三字者曉景云此言爲人辦酒飯也又有寫貸坐二字
者曉景云此妓坊也問其義曰未詳游興福壽寺在東明山相傳江西浮梁巨商劉某避明難航海東徙
捨身於此現經三江幫商人重建寺旁有公所一座

初八日魯省嚴孝廉說晚來答拜係長崎副理事晤華商張某說晚人爲三江幫商董寓東三十餘年慶澄問

流寓華商共若干人答云華商分三幫曰閩曰粵曰三江在長崎者七百餘人在神戸大阪者千餘人在

橫濱者四千餘人閩粵人早至生理較盛三江幫後來人數寥寥然近亦踵增矣問東人交誼若何答云

三十年前華人旅居者備承優待其遇我國文人學士尤致敬盡禮今則此風稍替矣問彼族風俗若何

答云倭俗素質樸未通商前人人安分守業幾乎道不拾遺近則內地之人尙有不失廬山真面者其各

口岸人口龐雜俗漸澆詐盜竊之事亦間有所聞世風不古中外類然可慨也問日本煙禁若何答云華

人犯禁者如已查獲煙具例交領事官遞解回國東人犯禁輕則禁錮重則有判死刑者

初九日登笠頭山昨自張君子豫處假長崎圖晨起攜以登山覽長崎全勝長崎三面皆山海水自南向

濤折而入港口頗狹港身東西十餘町南北里許島嶼屏列擁爲門戶民居皆依山亦有僦居山半者港

東北境稍熱鬧縣署裁判所各公廨在焉其東爲華人暨西人佔居之西則山巒連屬有造船場有製鐵

場而居民較少港北境又有礮臺一座陸營一所據日人云長崎初爲一村落實永年間即明季天啟舊

幕府定爲外國交易地置長崎奉行由是戶口日增成一都會維新初置九州總督府旋廢之改爲縣

初十日赴觀文廟慶澄曩在滬時聞李伯行星使創議在長崎建文廟嘆爲盛舉至是偕華商往觀之見

基址頗小工料亦不甚佳據華商云所費約一萬三千金歲納地租需二百金赴觀長崎縣署全仿西式

署前不甚熱鬧門左勝縣署書長崎縣署四字署內設風雨表遇大風雨高懸一紅毬先期示眾使知趨

避過裁判所日日本府縣署不理刑案居民口角細故均由裁判所判決其與外人交涉小事亦由裁判所

會判過控訴院其權加裁判所一等凡遇訟事裁判所不能決者控之控訴院控訴院再不能決則直控

之司法省矣過警察署署有分有總卽滬上租界中所謂巡捕房也沿街派捕役邏察專稽居民行旅利

病及善後各事過郵便局東人戶外設郵便箱及郵便收納箱以便書札往來及取納新聞紙之用尋常書件向郵便局購一郵券華商謂其券曰佛頭貼函上投箱中局丁沿路覓取逐日驛遞萬無一誤無券者照例議罰券值二十文或四十文但其書件以二錢重爲率過此者接重加值過電報局日本電杆綿互各口岸有總局有支局電價視中國較廉過勸工場場內左旋右轉紆曲往復沿路鋪設百物平價估賣肅有定規執其業者男女各半

十一日孔君厚菴

山東人已進士

壽君懿生

旗人

王君乾笙顧君金枝均來答拜王君係東譯官顧君係西譯官

據述近方爲長崎內地之遊昨晚始返署晤諸華商云近日商務消息過靈頗難獲利慶澄問進出稅則若何答云日本稅則大旨亦不外值百抽五然參差不一近則進口稅日加出口稅日減甚至有無稅者之類此皆東人巧攬利權也但其與中國往來彼國出口之貨終不敵中國進口之多晤陳子寬茂材

龍嘉善人

現授徒閩商某宅中歲得修脯百餘金魯君肖巖招飲於清洋亭亭舍精潔案几雅淨初至女夥鞠

躬迎之

東俗男女均行鞠躬禮不作揖

既入脫履戶外有女侍四五人獻杯茗并雪茄煙俄而奉洋殼洋酒陸續以進同席者五人飲畢冒雨歸

十二日偕陳君子寬暨華商符某往訪山田君

警太郎於長崎尋常師範學校山田君年三十一能古文

東京績學士也視爲長崎尋常師範學校校長與慶澄辯中西學術反覆十餘紙如云泰西形上之學與周易太極之義暗合近德人銳志講求易理能深明其故又云西人初亦好佛故其學時與佛理通此種

議論皆中士人所不習聞者談畢導慶澄週觀學校統計校長十八人男女學徒百餘人堂前懸兩牌

一書校長姓名載明科目

山田君教漢文名下注心得二字

一書學徒姓名載明某時習某學以入學年分爲等差按刻

掣籤恪守定則內有習華文者習東文者習英法德文者習國史者習外事者習算學者習化學者習光

熱等學者習製造者習樂者習畫者習作者種種書籍器具聽學徒取用學堂外有應接所有會議所有養病所有沐浴所房舍煥爛規制井井山田君又導觀化學器具物理器具即光熱等學器具幾何形體器具案幾何形體器具最便於學算之用慶澄向習幾何時即聞西人有此器無處覓購現得全閱一過爲之一快

十三日上權濱丸申刻發長崎華商沈安生代理行裝送之登舶魯君省嚴陳君子寬均來送山田君賦詩餞別晤陶杏南饒尹大均會稽人初慶澄在皖時王子雲太守詠霓以道西齋日記托贈且云陶君係東譯

官夙尙交誼抵東京時當往拜至是在船上不期而遇拍掌稱快晤朱君白瑜賀州遵義人現將往使署就學

於東文學堂過平戶島案元世祖至元十八年命范文虎阿塔海將兵十萬以戰船九百征日本至平壺島大風破舟文虎等乘堅船遁還棄十餘萬眾於山下卽是處也平壺卽平戶又據日人云弘安年間蒙

古兵入博多先據志賀島及能日島即殘島已而退據鷹島即立島案志賀島及能日島在鷹島東鷹島又在

平戶島東意此乃至元十一年之役史所稱入其國敗其兵矢盡而還者記以待考過壹岐島在對馬島南今爲長崎縣轄境徐氏瀛寰志畧云日本平列三大島北曰對馬島中曰長崎南曰薩崎馬即薩摩案此

說非也嘗以近日本疆域攷之畿甸之外共分八道其西海道所屬曰築前國曰築後國曰豐前國曰豐

後國曰肥前國此長崎舊屬也曰肥後國曰日向國曰大隅國曰薩摩國曰壹岐國曰對馬國然則對馬長崎薩

崎馬皆在西海道境內且在西海道最西之處何得舉概全國而以平列三大島目之瀛寰志畧又云對

馬本北境小島之名後遂以爲北境總名案此說更屬臆造日本地形南北狹東西闊由對馬南至薩摩

不過五六十里約中里三百餘里由對馬而東袤延六百餘里約中里三四千里對馬乃西南最爾地耳豈有以爲東北

全境總名之理推徐氏之意不過以既有平列三大島之目而對馬實不足言大不得不曲爲之解而自

圓其說要之華人至倭必先抵其西境故僅見西海道最西數區遂疑爲日本全境中國從前海禁未開其於外國形勢模糊影響諸如此類無足怪者

十四日辰刻抵赤間關一名馬關距長崎百四十二里乃西海道與山陽道交界處海面甚狹兩面夾山依山而市粉壁千家停輪一小時便裝煤并搭客上下須更鼓輪出見兩小山影髯我中國長江金焦二山內有礮臺一望而知爲險隘也據日人云赤間關屬山陽道長門國隔岸相對者爲門司關屬西海道豐前國相距僅四五町古者兩國地相屬下有洞門以通舟故曰穴門國穴門國卽長門國舊名也嗣以地陷兩國界離山陽西海兩道遂隔絕又云赤間關之西爲引島此際多暗礁有二兵衛礁最著名朝鮮之役豐太閣自肥前赴赤間關舟子給之舟觸礁幾沒太閣怒誅舵工與二兵衛遂以爲礁名今所見兩礁標卽其處又云西人屢欲就赤間關開埠土人堅拒之蓋其地爲全國咽喉而土民又强悍異常故一時廷議尙未能決云過播州洋此間前襟豫讚後控藝備舟人總稱曰播州洋有無數小島蜿蜒起伏嵌空玲瓏輪舶過此委蛇而進如武陵人之入桃花源幾疑別有世宙西人謂東瀛山水爲亞洲之冠良不誣也是夕慶澄登龜面最高處昂首四顧月明如晝斷岸千尺岡巒隱沒澄波砥平獨立久之仰天長嘯翩若登仙

十五日辰刻抵神戶神戶東經十八度二十二分北緯三十四度四十一分距長崎三百六十里屬畿內攝津境維新後置兵庫縣治攝津內五郡丹波內二郡及播摩但馬淡路全境市中居民十四萬一千五百餘人 神戶係日本通商五港之一港面頗闊背山而市鐵道綿亙乃全國通要之區停輪一日便搭

客上下 偕陶朱二君赴理事署署高枕山麓前有小園頗幽雅晤鄭蘇龕中書

孝胥

人暨署中諸君鄭君

壬午解元現係神戶正理事招飲於署中之退思齋同席者爲羅叔夔太守盧子明大令暨陶朱二君戊

刻借朱君白瑜返舟是夕涼月放晴水流不波輪艦碇泊屹如山立前有鎔鐵廠火光騰射熒熒徹夜十六日午刻發神戶放洋後洋面甚闊不似播州洋一帶島嶼羅列矣過熊野洋隸紀伊境其地有熊野山徐福所謂海上有三神山者卽此處徐氏瀛寰志略云福所居之地名徐家村塚在熊指山今不知何地據日人云福墓在新宮舊城故隴中前有老樟二株碑題秦徐福之墓五字墓北有孤峯土人呼曰蓬萊山蓋因華人言而文飾之者其西有小小山下有飛鳥社社旁有一祠卽福祠也今已久圯僅存礎址而已又云距福墓三三町有小壠七係福從者墳相傳福所攜者至則僅七人死皆葬於此又距小壠東數里有秦棲村土人省曰秦村蓋卽福初至時所居處也福初至時在日本孝靈帝年間所齎鞍轡今猶藏熊野社神庫中案新宮古稱神邑隸熊野境瀛寰志略所謂熊指山其卽熊野山無疑徐家村疑卽秦棲村惟所云從者僅七人與史不合想彼國土人必有所受殊不可解日人又云徐福秦時一大豪傑也際秦之亂思得土而王其攜童男女航海而東意蓋將大有所爲者史稱其畏誅不敢還爲福所欺矣又云彼國神代之人多壽考如神武帝孝安帝孝靈帝壽皆百數十歲周秦諸子傳聞以爲得仙術因附會而爲三神山之說故福得售其計於祖龍耳嗚呼斯誠可發福之覆於二千年下也日人又云十餘年前有土人穿福墓得古銅器旣而得熱病大恐復埋之福墓下案此實異事是豈其器爲周秦之寶福不肯輕以授人而因以自徇歟記之以論諸方聞之士

十七日未刻抵橫濱橫濱東經一十二度三十七分北緯三十五度二十五分距神戶三百四十七里屬東海道武藏境維新後置神奈川縣治武藏內六郡及相模全境市中居民十三萬二千餘人橫濱爲東京門戶乃五港中首先開港者東爲東京灣曩日人特堵截之以拒西舶前爲橫須賀擁列屏蔽蓋全國海軍首領之區也查日本海軍全法乎英通國分五區各置鎮守府第一區置鎮守府於橫須賀港第

二區置鎮守府於安藝吳港第三區置鎮守府於肥前佐世堡港第四第五兩區一擬置鎮守府於丹波之舞鶴一擬置鎮守府於膽振之室蘭第規制未定現仍暫歸橫須賀鎮守府兼轄云 赴理事署中規模稍宏有樓額額曰袖東樓黎純齋星使筆也晤黎受生太守州人 黎署中諸君黎君係橫濱正理事晚宿山崎屋日本旅舍也東俗尚潔入戶必脫屨徒跣而行房內懸書畫窗几戶壁纖塵不染客至席地圍坐初至時必叩首甚恭或有至再者亦有叩首時喃喃道殷勤片晌始起者既坐進茗點多甘品茗碗小僅如酒杯每食三四簋盛以漆器多腥饌寢則懸大帳可容五六人寢屏以紙糊之下設滑車推卻之際應手而移房外有廁所厠口以瓷料爲之旁必置浣盥又有澡池男女均裸浴習見不避婦女服單衣長必如其體腰圍蔽廣帶雖盛夏不釋惟下體不著裨其已嫁者則必涅其齒行者多著屐屐下如丁字

十八日乘火車赴東京東京東經二十二度四十四分北緯三十五度四十分距橫濱十八哩

此由新橋起算日本

鐵道里程八

十鎰曰一哩 屬東海道武藏境維新後遷都於此置東京府治武藏內六郡伊豆內七郡及小笠原島全

境市中居民百二十一萬七千餘人

日本鐵路由東京起東北達青森灣計四百五十四哩五十四鎰

西達神戶計三百七十六哩三十一鎰由神戶達三原計百四十一哩二十五鎰又由門司關西南達熊

本計百二十一哩三十一鎰其間未成者惟由三原達門司關之百數十哩據日人云五年內必能造就

使全國聯絡矣

此以幹路言其支路尙多不能備列

日本鐵路有官辦有商辦凡商辦者官爲之一律保護惟國家有事

則減其值以供徭役且俟行之二十五年後政府有將鐵路買入之權日廷謀政往往以小利啖其下然

後上佔其大利不獨鐵路一端也聞泰西國政亦然 日本有官地有民地全國地段民佔其二官佔其

一凡商辦鐵路要用官地者准以平價估買官辦鐵路要用民地者亦如之 由橫濱抵東京火車價上

等客六角中等四角下等二角上客許攜行李百磅中客許攜六十磅下客許攜三十磅餘均照例另給
運價聞初興鐵路時僅有上下二等嗣以上客過少下客又過雜乃特設中等車行人便之 搭客有金
玉珠寶及契券者須報明另給車值倘有失落照例賠償但賠銀不得過五十圓 未刻抵大清公使署

謁汪芝房星使

鳳藻蘇州人

暨晤署中諸君茗談片時囑門者攜行李晉署延住使館西偏公廨中

東京分

十五區曰麴町區曰神田區曰日本橋區曰京橋區曰芝區曰麻布區曰赤坂區曰四谷區曰牛込區曰
小石川區曰本鄉區曰下谷區曰淺草區曰本所區曰深川區使署在麴町區本係某侯故第竊以八千
餘金購之現正翻築約需費三萬金尚未落成

十九日汪星使來答拜

慶澄問近日中東交誼若何星使云日相伊藤博文總攬朝綱通達大體就目前

論尙無彼此齟齬處問日廷政治若何星使云維新以來僅二十餘年雖未能事事盡歸實際然規模粗
具不可謂國無人也問日廷近計及韓事否星使云彼國老成人尙皆言清日本唇齒之邦自當協力護
韓以爲海東屏蔽問彼國黨人議論何如星使云黨人議論無非欲力圖自強然各執一詞甚有目伊藤

氏爲迂腐者問彼國尙有株守舊見者否星使云亦有一三有心人見微知著時切內憂慶澄索閱日本

地圖星使云外人輿地之學視中國較精故所著之圖燦然可觀細查之其秘而不宣處甚多卽以礮臺

論彼何嘗不縱入游覽而其秘密處終不肯示人若第按圖索之終爲門外漢也

雙澄前閱泰西書往往見其誤到與如處俱

誠然而止疑有所秘大抵私之一字恆情總不能免不以中外異也

問近日美國消息若何星使云機利新例聞已有暫緩舉行之議問俄

國西彼利亞鐵路告竣日期可有確信不星使云近有日人副島某隨使德國任滿東還舍舟而陸遍歷

俄屬亞西亞北境據云俄人此舉工程過大告竣之期尙屬遙遙

副島氏此行身入窮漠途中連斃三馬既歸日皇面加冕勞國人榮之

使通英文慶

澄問讀洋文之法星使云學洋文者當讀洋書切不可讀華人所著之以華字音註者又云

英文中義往往非華文所有故同此一字譯者互異然其字非華文能解者以滿洲文及倭文解之無不了然慶澄云洋文之源似通於梵字但梵字之意從丹田出洋文之音從喉鼻出梵音視洋音較清遠此爲稍別耳星使云此論甚創參贊呂秋樵大令增祥安譯官劉子貞大令慶汾貴羅寶森刺史庚齡江蘇人李一琴薩尹維格江暨同署汪芝臺中書鳳閣江邱玉符二尹瑞齡江譚建甫理問祖綸廣林右丞中書介安徵人洪義甫司馬趙安潘筱齋比部恩榮安蘇紹坡供事鳳儀江陳燕伯二尹元康江均來答拜其臺星使弟也

二十日往觀王城東京城螺旋而入內爲禁城向係舊將軍幕府明治元年十月翠輦東下改爲皇城

皇居皆西式聞內有文庫儲古書甚富又有華族高等女學校爲王大臣女學之區日后常臨幸焉其外

繞以長濠頗深而闊設近衛兵及近衛職兵守之內開樞密院宮內省均在禁城內日本國制皇帝太上皇皇后皇太

后均稱陛下皇太子皇太孫親王女王均稱殿下民間稱皇帝又稱天皇皇儲必立嫡嫡子嫡孫有故則

使皇族攝政皇族無勝任者則使皇族女攝政但攝政之女王須擇無配偶者民間立嗣不論昭穆兄

可子弟祖可子孫姪可子叔娶妻不嫌同姓但擇年之相當者惟胞姊妹及妻之姊妹則在所禁流品分

爲三曰華族曰士族曰平民族法分爲五其一曰父母曰養父母曰夫曰子曰養子其二曰祖父母曰嫡

母曰繼母曰伯叔父曰姑曰兄弟姊妹曰夫之父母曰妻曰妾曰姪曰孫曰子之婦其三曰曾祖父母曰

伯叔之婦曰夫之姪曰從父兄弟姊妹曰異父兄弟姊妹曰夫之祖父母曰夫之伯叔父及姑曰庶子曰

姪之婦曰繼父其四曰高祖父母曰從祖伯叔父及姑曰夫之兄弟姊妹曰兄弟之妻曰再從兄弟姊妹

曰外祖父母及舅與姨曰前夫子凡姦生子准由姦女撫養成立令圖生藥照例自歸女族不歸男族曰兄弟之孫曰從父兄弟之子曰外

甥曰曾孫曰孫婦其五曰妻之父母曰姑之子曰元孫曰外孫曰女壻喪制有息有服服父母息五十日服

小方壺齋輿地叢鈔 第十卷 東遊日記五 南清河王氏鑄版

十三月祖父母忌三十日服百五十日曾祖父母忌三十日服五十日高祖父母忌十日服三十日子忌二十日服九十日女忌十日服三十日孫忌十日服二十日女孫忌三日服七日曾孫忌二日服七日元孫忌三日服五日養父母忌二十日服五十日繼父母忌十日服三十日夫父母忌二十日服百五十日夫忌三十日服十三月妻忌二十日服九十日兄弟忌二十日服九十日姊妹忌二十日服九十日伯叔父母忌二十日服三十日姪忌三日服七日甥忌三日服七日國喪忌五十日服十三月葬則官爲擇地禁私瘞 日本官制自維新後屢加更改甚至有一歲中旋設旋廢者茲就其現存者約畧言之一日內閣總理大臣掌全國重權凡內治外交及一切考試之事均其所職一日宮內省乃專管宮內事時爲日皇所顧問者明治十九年二月敕定宮內省不在九省之列凡章奏中通稱曰省者專指九省言不得兼指宮內省言九省詳下一日樞密院即所謂內議院也國有大事奉旨會議然但有剖決是非之權一切外事概不得干與此外有九省大臣一日內務省管理地方敷政及警查監獄土木衛生地理寺廟戶籍賑恤救濟人民書籍出版等事一日外務省管理各國交涉之事一日大藏省管理每歲出入租稅國債貨幣銀行及各地地方有涉生理之事一日文部省管理通國學校選舉之事一日司法省管理全國訟獄之事一日陸軍省管理通國陸軍之事一日海軍省管理通國海軍之事一日農商務省管理農桑及一切商賈之事一日遞信省管理全國郵傳電報及燈臺浮標以及鐵路等事外官則曰府曰縣府縣均稱曰知事直隸京省別無封疆大吏以加銜束外又有警視廳有裁判所有控訴院通計全國大小官員不下數萬人有欽派者有奏派者亦有由各地地方官擢行黜陟者 日本全國周圍七千零二十八里廣五六十里袤六百餘里全國面積共二萬四千七百九十四方里此均以日里核算每一方里計千六百三十餘人全國共計四千零四十五萬餘人男計二千零四十三萬餘人女計二千零二萬餘人華人往往謂東人女多於男蓋耳食之談也 日本自桓武帝都山城後歷

千餘年至明治初元遷都武藏名舊都曰西京都人士閒亦有詠黍離之詩而扼腕不已者慶應曰西京形勢予尙未及見未敢臆斷其宜遷與否第就當日情事而論其所以毅然而爲此舉者實有萬不得已之故何也日本自幕府執政權在武門太阿倒持歷有年所一旦用霹靂手創奪兵柄歸之朝廷旋乾轉坤在此一舉苟不佔其巢穴斬其根株少緩須臾餘燄復燃蕭牆之禍伊於胡底此不得不遷者一也日本全境斜倚如肺葉東北諸島實佔上游英人擾倭先入函館最爲有見竊謂古之日本患在西南今之日本患在東北古者海道不通東北之境本爲荒漠可置不問舊都在山城論彼時形勢未始爲失今則地球九萬里履海如平地輪舶所至無孔不入日本西境與中國爲輔車之依互相爲命無足慮者惟東北諸國孤懸無倚所謂冷暖年來只自知者也日人自東遷後便竭力經營北海道日廷謀國未爲無人使當日者稍參以迂儒之見戀戀舊都苟安旦夕將見鞭長莫及而英美諸邦貪婪無厭一日復以兵艦圍集太平洋一帶聲東擊西乘隙以入如飛將軍自天而下守無可守防不勝防持之既久國愈空虛凡百要請惟敵是命則倭事去矣此不得不遷者二也抑又聞之日本自德川末造美兵逼境一隅被擾舉國鼎沸人心皇皇靡有甯歲當時開鎖分黨曰勤王曰佐幕曰攘夷各執所見卒乃爲背城借一之計誅殺異議以一國論屢戰失利始悟螳臂不可當車幡然自悔盡滌宿見仿行新法甚至改正朔易服色雖貽予萬邦之訕議而不一顧其急急於新耳目振國氣者非特遷都一事已也而遷都尤其最要者夫琴瑟不調則改絃而更張之豪傑謀國其深思遠慮非株守兔園冊子者所可與語予觀維新之治其下之隨聲逐響洵洵若狂則可笑其上之洞燭外情知已知彼甘以其國爲孤注而拚付一擲則既可悲又可喜嗟乎古來國家當存亡危急之秋其誤於首鼠兩端者何可勝道日人其知所鑒矣雖然猶有說凡人

也請告之東人之善醫國者 或曰如子之言日本維新之政誠爲得矣然則我中國自道咸以來柔遠之道中興諸公亦幾費擘畫從而效之不亦可乎 慶澄曰是又不然夫君子之觀入國也必洞觀其上下實在情形反覆推勘然後悉其利弊所在亦猶醫然按病擬方其閒移步換形相去不容以髮是固不得僅以皮相論也夫予之東游雖爲時未久然嘗細察其人情微勘其風俗大致似較中國爲樸古而喜動不喜靜喜新不喜故有振作之象無駭恚之氣日人之短處在此而彼君若相得以奏其維新之功者亦在此若夫中國之人除閩粵及通商各口岸外其搢紳先生則喜談經史而厭聞外事其百姓則各務本業而不出里閭竊嘗綜而論之中國之士之識則太狹中國之官之力則太單中國之民之氣如湖南一帶堅如鐵桶遇事阻撓者雖可嫌實可取爲今日中國計一切大經大法無可更改亦無能更改但望當軸者取泰西格致之學兵家之學天文地理之學理財之學及彼國一切政治之足以矯吾弊者及早而毅然行之竭力擴充勿以難能而餒其氣勿以小挫而失其機勿以空言而貽迂執者以口實勿以輕信而假浮躁者以事權初創之舉局面不宜過大已成之事提防不得稍鬆從之愈推愈廣以彼之長補吾之短則不動聲色而措天下於泰山之安以視東人之貽笑外邦者不大有閒歟蓋治天下者有法有意此則但師彼之法而不師彼之意也雖然匪言之艱行之維艱方今中國當軸諸公閱歷變故通達洋情洞諳國勢者實不乏人鄉僻下士何足言此手記至此擲筆而起 汪星使以日本國事集覽見示是游也予沿路訪問彼國之政治風俗舌所不通以筆代之然僅粗得大段其細節處則不勝探查至是向汪星使索閱署中譯書星使以此書見示不禁狂喜書凡十二卷劉君子貞所譯也紀日本新政頗詳備惟鐵路章程宜錄之遞信省中方合條例司法省中於彼國律交付之闕如未爲完璧據劉君云現方補譯但未脫稿耳

科曰文科曰理科法科分二目曰法律曰政治工科分六目曰土木曰機器曰造船曰造軍器曰造房屋
曰應用化學科文科分四目曰哲學曰本國文學曰史學曰博言學理科分六目曰數學曰物理學曰化
學曰動物學曰植物學曰地質學惟醫科則忘其節目容另考 日本選舉大約小學優則入中學中學

優則入大學大學優則授以官閒亦有爲各大臣自舉所知者如昌平學舊徒之類然不過萬中之一耳此外當年

老學究僅以充各學校教員之數不得不以布衣終矣士生今日貴乎得時亮哉 東人論學動輒曰集

萬國之長慶澄嘗觀其學校途徑之闊誠未可厚非然過於夸大往往多似是而非語如云三代之學亡

於中土而存於歐美夫歐美之學鑿破鴻濛別開生面慶澄斷不敢執迂儒坐井之見而與之爭究之三

代自三代歐美自歐美援三代之學以駁歐美不可也援歐美之學而強附之三代亦不可也且三代之

學惟周之學散見於六經者十存四五然一經漢儒之手碎裂者有之僞託者有之若夏商之學如吉光

片羽求其全體渺不可考中國士大夫往往以周之學而臆度夏商慶澄尙目爲二千年捕風捉影之談

而況以歐美之學臆度三代乎東人近設哲學會聚友講求間出一書以播傳觀凡儒學佛學老莊之學

基督之學以及各教中有關天地人之理者無不肆加研討各標新義慶澄謂孔子之正大如來之神通

老莊之元妙基督之權力我後生小子均不能望其項背徒事曉曉笑爲者雖然人十已百人百已千果

能此道雖愚必明竊願與東人共勉之 東人近學會甚多如哲學會地學協會之類不一而足竊謂以

文會友肇自聖門明儒之學亦得力於講學者居多學會之舉甚爲有益中國不乏有志之士起而行之

是所望於有心世道者 過陸軍省在魏町區永田町壹町目查日本兵名有四曰常備兵曰豫備兵曰

後備兵曰國民兵常備兵是現在供役者滿三年准其出營自圖生理改作豫備兵再滿五年改作後備

兵若年滿四十削去兵籍號曰國民兵有事則先用常備兵如不敷調撥則豫備兵後備兵國民兵以次

徵之約計全國陸軍師團六旅團十二大隊區四十八警備隊區七現在兵員共二十四萬五千三百一十八人又查日本四民年滿十七以上者盡編入兵籍如在學校肄業或在外國游歷者准其稟請展限然不得過二十六歲其在學校中如於法律政治等學有一項能精或學問全體已優領得文部省證據者准其服役六月即為已畢常備役之期但豫備後備兩役仍不能免其犯過禁錮及賭博者不在此例

過大藏省在麴町區大手町壹町目查日本租賦逐年而增幾於無人不稅無物不稅其稅分爲二曰國稅曰地方稅國稅者地租銀行煙酒醬油電報郵便據娼妓海關并進項諸稅納之於國者也地方稅者戶口地稅車船牛馬妓女東國妓坊林立均係官妓每一禮拜各妓由官醫驗如有隱疾急爲調治久治不痊勒令絕客以杜傳染其有不納官稅擅作皮肉生涯者查出照例科罪及雜業各稅納之各府縣者也雜業中屋肩販者無稅如地方稅不敷各府縣之用則發帑藏濟之各稅中煙酒最

重蓋係明治十八年增之以擴張海軍者次爲進項稅凡民人財產以及各官商歲入洋三百圓上者百取一千上者百取一五萬上者百取二三萬上者百取二五三萬上者百取三雀羅鼠掘民間頗咨怨之然格於勢而無可如何慶澄嘗言日本之政利於國不利於民即謂此也又查日本出入有經常部有臨時部均由大藏省於今年臘月將所出并所入詳細核算除出入相抵外須再償出國債二百餘萬且尙

畧有贏餘方爲合度約計每年所出七千六百五十萬所償國債二百餘萬且尙餘萬亦在其內入七千六百七十萬進出之數歷年

尙互有參差此但言其大較耳日本銀行頗多而資本在百萬圓上者共八所民間貿易錢洋外益以鈔幣有由國家製造者有由銀行製造者日本自通商後金銀頗流通慶澄曩在滬時曾探訪其進出之數或言流出

或言流入現悉彼國自明治二十年後流出流入歲有異同故傳聞異詞耳惟其與中國通商自是流入我國者前在長崎晤華商時已談及之日本稅甚重而官俸又甚薄然各項經費尙屬不敷不獨海軍

一項已也今年春夏之交上議院議加稅下議院議減俸旗鼓相當堅持兩月日皇乃節省宮內費三百